

ԽՄԲԱԳՐՈՒԹԵՐՆ ԿՈՂՄԻՅ

Անցեալ 1912 թուականի յունուարից սկսած Հայրապետական աթոռ ս. Էջմիածնի պաշտօնական ամսագիրս հրատարակում է յատուկ խմբագրական ժողովով, որի անդամները նշանակւում են Վեհափառ Կաթօղիկոսի ընտրութեամբ: Նախկին կաղմից հեռացել են Տ. Աբէլ արեղայ և պ. պ. Մանուկ Աբեղեան և Ռուբէն Աբրահամեան, իսկ վերահաստատուել են Գէորգ Ալթունեան և Գուրգէն Էդիլեան: Խմբագրական կազմը լրացնելու համար այս յունուարից նշանակուել է ևս Ներսէս վարդապետ Տէր-Միքայէլեանը, որին մի և նոյն ժամանակ հրամայուած է լինել նաև պատասխանատու խմբագիր պետական օրէնքների առաջ:

Ամսագրին պաշտօնական մասը խմբագրական ժողովս ընդունում և առանց որ և է փոփոխութեան յանձնում է տպագրութեան, երբ Հայրապետական գործերից քաղուածները վաւերացուած են դիւանապետի, իսկ ս. Մինոգից տրուած տեղեկութիւններն այդ հաստատութեան անդամներից մէկի ստորագրութեամբ: Կրօնական-բարոյական բաժնի խմբագրութիւնը ժողովի որոշմամբ թողնուած է Ներսէս վարդապետին, իսկ մնացած բաժինները խմբագրւում են ամբողջ ժողովով:

Ամսագրին մէջ բացի կրօնական-բարոյական բաժնի յօդուածներից կարևոր տեղ պիտի յատկացնուի նաև մանկավարժական, գրական-բանասիրական, պատմական, գրախօսական-մատենախօսական գրուածքներին, ինչպէս նաև ազգային և եկեղեցական կեանքին:

Խմբագրութիւնս խնդրում է բոլոր կարող անձանց աշխատակցել: Յանկալի է, որ յօդուածները երկար շարունակելի չլինին: Խմբագրութիւնս իրեն է վերապահում յօդուածները կրճատելու իրաւունքը, եթէ հեղինակն ա-

աւջուց պայման չի դրել անփոփոխ տպագրելու: Թարգմանութիւն ուղարկելիս պէտք է յիշատակել բնագիրը և, եթէ կարելի է, կցել նաև բնագիրը, որ յետ կը դարձնուի: Չտպուած մեծ յօդուածները վերագարձնուում են հեղինակի հաշուով, իսկ փոքր նիւթերը ոչնչացնուում են: Չտպուելիք նիւթի մասին կը յայտնուի ամսագրիս էջերում:

Յօդուածները վարձատրուում են: Չափը որոշում է խմբագրութիւնս: Չեն վարձատրուում այն յօդուածները, որոնց հեղինակները նիւթն ուղարկելու միջոցին չեն յիշատակել իրենց ցանկութիւնը վարձատրութեան մասին:

Խմբագրական ժողով:

Ս Տ Ա Յ Ո Ւ Ա Շ Գ Ր Ք Ե Ր.

Խմբագրութիւնս շնորհակալութեամբ ստացել է հետևեալ գրքերը.

1. Հայոց բառ ու բան, աշխատասիրութիւն Սահակ վարդապետ Ամատունու, Վաղարշապատ, ապարան Մայր Աթոռոյ, 1912 թ., գինն է 2 ռուբլի.

2. Յակոբ Յ. Թերզեան, Կիլիկիոյ աղէտը, հատոր Դ. և Ե., Կ. Պոլիս, գինն է 5+7¹/₂ զր2.

3. The Young Turks and The Truth about the Holocaust at Adana in Asia Minor, During April 1909. լոյս է տեսել 1913 թ.

4. Նոր-Ջուղայի կենդրոնական, Գ. Քանանեան և Ս. Կատարինեան ազգային երկսեռ դպրոցների և Գ. Քանանեան մանկապարտէզի 1911—1912 ուսումն. տարեշրջանի տեղեկագիրը, Ջուղա-Սպահան, 1912:

5. Գէորգ քահ. Մկրտումեանց, Ջրկածները (վէպիկների, պատկերների ժողովածու), Աստրախան, 1913, գինն է 50 կոպ.

6. Здоровье—Лучший даръ. Популярно-научная книга о новомъ методѣ Естественнаго самолѣченія для хроническихъ больныхъ. Изданіе т-ва «Реосъ», С. Петербургъ, цѣна 30 коп.